



বাংলাদেশ নির্বাচন কমিশন
নির্বাচন কমিশন সচিবালয়

নং- ১৭.০০.০০০০.০৩৪.৩৭.০০৩.১৮-১৭৪

তারিখঃ ১৭ চৈত্র ১৪২৪
৩১ মার্চ ২০১৮

পরিপত্র-১

বিষয় : গাজীপুর ও খুলনা সিটি কর্পোরেশন নির্বাচনের সময়সূচি ও মনোনয়নপত্র আহ্বানের গণবিজ্ঞপ্তি জারি, মনোনয়নপত্র দাখিল, রিটার্নিং অফিসার, সহকারী রিটার্নিং অফিসার ও আপিল কর্তৃপক্ষ নিয়োগ এবং ভোটার তালিকার সিডি বিক্রয় ইত্যাদি

উপর্যুক্ত বিষয়ে নির্দেশিত হয়ে বিষয়ে বর্ণিত সিটি কর্পোরেশনের মেয়র, সংরক্ষিত আসনের কাউন্সিলর এবং সাধারণ আসনের কাউন্সিলর পদে সাধারণ নির্বাচন অনুষ্ঠান পরিচালনার জন্য নির্বাচনি সময়সূচি, মনোনয়নপত্র আহ্বানের গণবিজ্ঞপ্তি জারি, মনোনয়নপত্র দাখিল, মনোনয়নপত্র বাছাই, প্রার্থিতা প্রত্যাহার, রিটার্নিং অফিসার, সহকারী রিটার্নিং অফিসার ও আপিল কর্তৃপক্ষ নিয়োগ সংক্রান্ত বিষয়ে বিভিন্ন নির্দেশাবলী নিম্নে উল্লেখ করা হলোঃ

০২। **নির্বাচনি সময়সূচিঃ** স্থানীয় সরকার (সিটি কর্পোরেশন) নির্বাচন বিধিমালা, ২০১০ এর বিধি ১০(১) অনুসারে মাননীয় নির্বাচন কমিশন বিষয়ে বর্ণিত সিটি কর্পোরেশনের মেয়র, সংরক্ষিত আসনের কাউন্সিলর এবং সাধারণ আসনের কাউন্সিলর পদে সাধারণ নির্বাচন অনুষ্ঠানের জন্য ১৭ চৈত্র ১৪২৪/ ৩১ মার্চ ২০১৮ তারিখে জারিকৃত প্রজ্ঞাপন (সংলগ্নী-১) এর মাধ্যমে নিম্নবর্ণিত সময়সূচি ঘোষণা করেছেনঃ

(ক)	রিটার্নিং অফিসার/সহকারী রিটার্নিং অফিসারের নিকট মনোনয়নপত্র দাখিলের শেষ তারিখ	:	২৯ চৈত্র ১৪২৪ ১২ এপ্রিল ২০১৮	বৃহস্পতিবার
(খ)	রিটার্নিং অফিসার কর্তৃক মনোনয়নপত্র বাছাইয়ের তারিখ	:	২-৩ বৈশাখ ১৪২৫ ১৫-১৬ এপ্রিল ২০১৮	রবিবার-সোমবার
(গ)	প্রার্থিতা প্রত্যাহারের শেষ তারিখ	:	১০ বৈশাখ ১৪২৫ ২৩ এপ্রিল ২০১৮	সোমবার
(ঘ)	ভোটগ্রহণের তারিখ	:	০১ জ্যৈষ্ঠ ১৪২৫ ১৫ মে ২০১৮	মঙ্গলবার

০৩। **রিটার্নিং অফিসার ও সহকারী রিটার্নিং অফিসার নিয়োগঃ** স্থানীয় সরকার (সিটি কর্পোরেশন) নির্বাচন বিধিমালা, ২০১০ এর বিধি ৫ অনুসারে উল্লিখিত নির্বাচন পরিচালনার জন্য মাননীয় নির্বাচন কমিশন ১৭ চৈত্র ১৪২৪/ ৩১ মার্চ ২০১৮ তারিখে জারিকৃত প্রজ্ঞাপনের মাধ্যমে রিটার্নিং অফিসার ও সহকারী রিটার্নিং অফিসার নিয়োগ করেছেন। জারিকৃত প্রজ্ঞাপনের ছায়ািলপি এতদসঙ্গে সংযুক্ত করা হল (সংলগ্নী-২)। রিটার্নিং অফিসারকে অবিলম্বে সহকারী রিটার্নিং অফিসারদের অধিক্ষেত্র বণ্টন করে নির্বাচন কমিশন সচিবালয়কে অবহিত করতে হবে।

০৪। **প্রকাশ্য স্থানে সময়সূচির বিজ্ঞপ্তি জারিঃ** নির্বাচন অনুষ্ঠান পরিচালনার জন্য নির্বাচনের সময়সূচি সম্বলিত বিজ্ঞপ্তির অনুলিপি ইতোমধ্যে আপনার নিকট প্রেরণ করা হয়েছে, যা আপনি বিধিমালার বিধি ১০(২) অনুসারে আপনার কার্যালয়, সিটি কর্পোরেশনের কার্যালয়, সংশ্লিষ্ট ওয়ার্ড কার্যালয় এবং অন্যান্য গুরুত্বপূর্ণ ও প্রকাশ্য স্থানে জারি করবেন।

০৫। **মনোনয়নপত্র আহ্বানের গণবিজ্ঞপ্তিঃ** নির্বাচনের সময়সূচির বিজ্ঞপ্তি জারির সাথে সাথে আপনি বিধিমালার বিধি ১১ অনুযায়ী বিষয়ে বর্ণিত সিটি কর্পোরেশনের মেয়র, সংরক্ষিত আসনের কাউন্সিলর ও সাধারণ আসনের কাউন্সিলর পদে নির্বাচনের জন্য মনোনয়নপত্র দাখিলের আহ্বান জানিয়ে একটি গণবিজ্ঞপ্তি জারি করবেন। উক্ত গণবিজ্ঞপ্তিতে যে তারিখ এবং সময়ে মনোনয়নপত্র আপনার নিকট দাখিল করা হবে তা উল্লেখ করবেন। আপনার সুবিধার্থে এ সংক্রান্ত একটি গণবিজ্ঞপ্তির নমুনা

(পরিশিষ্ট-ক) এই পরিপত্রের সাথে সংযুক্ত করা হল। উল্লেখ্য প্রার্থী কর্তৃক মনোনয়নপত্র দাখিলের প্রাক্কালে মনোনয়নপত্রের সাথে বিধি ৪৮ অনুযায়ী নির্বাচনের নিমিত্তে নির্বাচনি ব্যয় নির্বাহের জন্য তথ্য প্রাপ্তির সম্ভাব্য উৎস ও ব্যয়ের সম্ভাব্য বিবরণী সংক্রান্ত ফরম (ফরম-‘ঢ’)ও দাখিল করতে হবে। সরকারি ও সাপ্তাহিক ছুটির দিনেও সকাল ৯.০০টা হতে বিকাল ৫.০০টা পর্যন্ত সময়কালে আপনার কার্যালয়ে মনোনয়নপত্র গ্রহণ করবেন।

০৬। **রিটার্নিং অফিসারের নিকট মনোনয়নপত্র দাখিলঃ** বিধিমালার ১২ বিধি এর (৫) উপবিধি অনুসারে মনোনয়নপত্র প্রার্থী নিজে অথবা তার প্রতাবকারী কিংবা সমর্থনকারী রিটার্নিং অফিসারের নিকট দাখিল করতে পারবেন। মনোনয়নপত্র দাখিলের পর পরই রিটার্নিং অফিসার দাখিলের দিন ও সময় উল্লেখ করে রসিদ প্রদান করবেন। উক্ত রসিদের নমুনা মনোনয়নপত্রের সাথে সংযোজিত রয়েছে।

০৭। **আপিল দায়ের ও আপিল কর্তৃপক্ষ নিয়োগঃ** উল্লিখিত বিধিমালার বিধি ১৪(৪) এর অধীনে রিটার্নিং অফিসার কর্তৃক যে প্রার্থীর মনোনয়নপত্র বাতিল বা গ্রহণ করা হয়েছে সেই প্রার্থী বা কোন ব্যাংক বা আর্থিক প্রতিষ্ঠানের কোন কর্মকর্তা বিধি ১৫(১) অনুযায়ী মনোনয়নপত্র বাছাইয়ের তারিখের ০৩(তিন) দিনের মধ্যে উক্ত বাতিলাদেশ বা গ্রহণের বিরুদ্ধে নির্বাচন কমিশন কর্তৃক বিধি ১৫(৩) অনুযায়ী নিযুক্ত আপিল কর্তৃপক্ষের নিকট আপিল দায়ের করতে পারবেন। ঘোষিত সময়সূচি অনুযায়ী আপিল দায়েরের শেষ তারিখ ১৯ এপ্রিল ২০১৮। এলক্ষ্যে মাননীয় নির্বাচন কমিশন ৩১ মার্চ ২০১৮ তারিখে ১৭.০০.০০০০.০৩৪.৩৭.০০০৬.১৮-১৭৩ নং প্রজ্ঞাপনের মাধ্যমে বিভাগীয় কমিশনার-কে আপিল কর্তৃপক্ষ নিয়োগ করেছেন। (আপিল কর্তৃপক্ষ নিয়োগের প্রজ্ঞাপন-সংলগ্নী-৩)।

০৮। **মেয়র পদে নিবন্ধিত রাজনৈতিক দলের ক্ষেত্রে দলীয় মনোনয়নঃ** স্থানীয় সরকার (সিটি কর্পোরেশন) নির্বাচন বিধিমালা, ২০১০ এর বিধি ১২ এর উপবিধি (৩) এর দফা (গ) এর উপদফা (ইইই) অনুযায়ী রাজনৈতিক দলের মনোনীত মেয়র প্রার্থীর ক্ষেত্রে সংশ্লিষ্ট রাজনৈতিক দলের সভাপতি বা সাধারণ সম্পাদক বা সমপর্যায়ের পদাধিকারী বা তাঁদের নিকট হতে ক্ষমতাপ্রাপ্ত ব্যক্তির স্বাক্ষরিত এই মর্মে একটি প্রত্যয়নপত্র থাকবে যে, উক্ত প্রার্থীকে উক্ত দল হতে মনোনয়ন দেয়া হয়েছে। এখানে বিশেষভাবে উল্লেখ্য যে, কোন রাজনৈতিক দল কোন সিটি কর্পোরেশনের মেয়র পদে একাধিক ব্যক্তিকে মনোনয়ন প্রদান করতে পারবে না, একাধিক ব্যক্তিকে মনোনয়ন প্রদান করলে সংশ্লিষ্ট সিটি কর্পোরেশনে উক্ত দলের প্রার্থীর মনোনয়নপত্র বাতিল বলে গণ্য হবে। আরও উল্লেখ্য যে, সংশ্লিষ্ট রাজনৈতিক দল তার ক্ষমতাপ্রাপ্ত ব্যক্তির নাম, পদবি, নমুনা স্বাক্ষরসহ একটি পত্র তফসিল ঘোষণার ৭ (সাত) দিনের মধ্যে রিটার্নিং অফিসারের নিকট প্রেরণ করবে এবং উক্ত পত্রের একটি অনুলিপি নির্বাচন কমিশনেও প্রেরণ করবে।

০৯। **মেয়র পদে স্বতন্ত্র প্রার্থীর প্রার্থিতার সপক্ষে সমর্থনসূচক স্বাক্ষরযুক্ত তালিকা দাখিলঃ** বিধি-১২ অনুযায়ী স্বতন্ত্র মেয়র প্রার্থীর প্রার্থিতার জন্য সংশ্লিষ্ট সিটি কর্পোরেশনের ৩০০ (তিনশত) জন ভোটারের স্বাক্ষরযুক্ত তালিকা মনোনয়নপত্রের সাথে দাখিল করতে হবে। তবে কোন স্বতন্ত্র মেয়র প্রার্থী ইতঃপূর্বে সিটি কর্পোরেশনের মেয়র পদে নির্বাচিত হয়ে থাকলে তাঁর জন্য ভোটারের স্বাক্ষরযুক্ত তালিকা দাখিল করার প্রয়োজন হবে না।

১০। **স্বতন্ত্র মেয়র প্রার্থীর ভোটারের স্বাক্ষরযুক্ত তালিকা যাচাই পদ্ধতিঃ** স্বতন্ত্র মেয়র প্রার্থীর ভোটারের স্বাক্ষরযুক্ত তালিকা যাচাই এর জন্য স্থানীয় সরকার (সিটি কর্পোরেশন) নির্বাচন বিধিমালা, ২০১০ এর বিধি ১২ক-এ নিম্নরূপ বিধান রয়েছেঃ

- (১) স্বতন্ত্র মেয়র প্রার্থী কর্তৃক বিধি ১২ এর উপবিধি (৩) এর দফা (গ) এর উপদফা (ইইইই) এর বিধান অনুসারে দাখিলকৃত নির্ধারিত সংখ্যক ভোটারের স্বাক্ষর ও তথ্যাদি রিটার্নিং অফিসার বা রিটার্নিং অফিসারের নিকট হতে ক্ষমতাপ্রাপ্ত কর্মকর্তা সরেজমিনে যাচাইয়ের প্রয়োজনীয় ব্যবস্থা গ্রহণ করবেন।
- (২) রিটার্নিং অফিসার বিধি ১২ এর উপবিধি (৩) এর দফা (গ) এর উপদফা (ইইইই) এর অধীন প্রাপ্ত তালিকায় নির্ধারিত সংখ্যা হইতে কম সংখ্যক ভোটারের স্বাক্ষর থাকলে অথবা তালিকার কোন একটি ক্রমিকের তথ্যের গরমিল থাকলে সংশ্লিষ্ট মনোনয়নপত্র বাতিল করবেন।
- (৩) রিটার্নিং অফিসার বিধি ১২ এর উপবিধি (৩) এর দফা (গ) এর উপদফা (ইইইই) এর অধীন প্রাপ্ত তালিকাসহ প্রার্থীর নাম ফ্যাক্স, ই-মেইল কিংবা অন্য কোন মাধ্যমে নির্ধারিত সময়ের মধ্যে কমিশনের মনোনীত কর্মকর্তাকে অবহিত করবেন।
- (৪) উপবিধি (৩) এর অধীন প্রার্থীর নাম অবগত হওয়ার পর নির্বাচন কমিশনের মনোনীত কর্মকর্তা দৈবচয়নের ভিত্তিতে কম্পিউটার প্রোগ্রামের মাধ্যমে প্রত্যেক স্বতন্ত্র প্রার্থীর দাখিলকৃত স্বাক্ষর

তালিকার ৫ (পাঁচ) টি সংখ্যা চিহ্নিত করিবেন যা ক্রমিক ১ (এক) হইতে ৩০০ (তিনশত) এর মধ্যে হতে হবে এবং তা রিটার্নিং অফিসারকে ফ্যাক্স, ই-মেইল বা অন্য কোন মাধ্যমে অবহিত করবেন।

- (৫) বিধি ১২ এর উপবিধি (৩) এর দফা (গ) এর উপদফা (ইইইই) এর অধীন স্বাক্ষরযুক্ত তালিকায় মেয়র পদের জন্য ৩০০ (তিনশত) এর অধিক নাম ও স্বাক্ষর অন্তর্ভুক্ত হলে, যে ক্রমিক হতে এই অধিক সংখ্যার শুরু হয়েছে তা দৈবচয়নের অন্তর্ভুক্ত হবে না।
- (৬) উপবিধি (৪) এর অধীন চিহ্নিত ৫ (পাঁচ) টি সংখ্যার বিপরীতে উল্লিখিত তথ্যাদি রিটার্নিং অফিসার সরেজমিনে তদন্ত করবেন বা করাবেন এবং তদন্ত কর্মকর্তা প্রতিটি সংখ্যার বিপরীতে একটি লিখিত প্রতিবেদন প্রস্তুত করবেন।
- (৭) উপবিধি (৬) এর অধীন তদন্তের ফলাফলের উপর ক্ষেত্রমত, সংশ্লিষ্ট এলাকার একজন ভোটারের প্রত্যয়ন অথবা যাচাইকৃত ভোটারের স্বাক্ষর কিংবা টিপসহি থাকবে এবং তা সংশ্লিষ্ট এলাকার অপর একজন ভোটার কর্তৃক প্রতিস্বাক্ষরকৃত বা টিপসহিকৃত হবে।
- (৮) এই বিধির অধীন মনোনয়নপত্র বাতিল করা হলে রিটার্নিং অফিসার তার সিদ্ধান্ত প্রত্যয়ন করবেন এবং বাতিলের কারণ লিপিবদ্ধ করবেন।”


উপরোল্লিখিত বিধি ১২ক অনুযায়ী আপনাকে স্বতন্ত্র প্রার্থীর দাখিলকৃত ভোটারের স্বাক্ষরযুক্ত তালিকার বিষয়ে প্রয়োজনীয় ব্যবস্থা গ্রহণ করতে হবে।

১১। **ভোটার তালিকার সিডি বিক্রয়ঃ** আগ্রহী প্রার্থীকে মনোনয়নপত্র সংগ্রহের সময় প্রতিটি সাধারণ ওয়ার্ডের জন্য ছবিছাড়া ভোটার তালিকার সিডি ৫০০ (পাঁচশত) টাকা হারে ট্রেজারি চালান বা পে অর্ডারের মাধ্যমে জমা দিয়ে রিটার্নিং অফিসারের নিকট হতে সংগ্রহ করতে হবে। **ভোটার তালিকার সিডি ক্রয়ের অর্থ চালানে জমা দানের কোড ১-০৬০১-০০০১-২৬৩১।**

১২। **মনোনয়নপত্রের সাথে আচরণবিধির কপি প্রদানঃ** সিটি কর্পোরেশন (নির্বাচন আচরণ) বিধিমালা, ২০১৬ এর কপি এতদসঙ্গে সংযুক্ত করা হল (সংলগ্নী-৪)। মনোনয়নপত্র সংগ্রহের সময় আচরণবিধির কপি সংশ্লিষ্ট মনোনয়নপত্র সংগ্রহকারীকে মনোনয়নপত্রের সাথে প্রদান করতে হবে।

১৩। এ পরিপত্রের প্রাপ্তি স্বীকারের জন্য অনুরোধ করছি।

সংলগ্নীঃ বর্ণনা মোতাবেক



(ফরহাদ আহাম্মদ খান)
যুগ্মসচিব (চলতি দায়িত্ব)
নির্বাচন পরিচালনা-২

ফোন: ৫৫০০৭৫২৫ (অফিস)
০১৭১৫০০০৭৪৯ (মোবাইল)

E-mail: forhadakecs2015@gmail.com

- প্রাপক : ১) আঞ্চলিক নির্বাচন কর্মকর্তা, ঢাকা অঞ্চল, ঢাকা
ও
রিটার্নিং অফিসার, গাজীপুর সিটি কর্পোরেশন নির্বাচন, ২০১৮
- ২) আঞ্চলিক নির্বাচন কর্মকর্তা, খুলনা অঞ্চল, খুলনা
ও
রিটার্নিং অফিসার, খুলনা সিটি কর্পোরেশন নির্বাচন, ২০১৮

নং- ১৭.০০.০০০০.০৩৪.৩৭.০০৩.১৮-১৭৪

তারিখঃ ১৭ চৈত্র ১৪২৪
৩১ মার্চ ২০১৮

অনুলিপি সদয় অবগতি ও প্রয়োজনীয় ব্যবস্থা গ্রহণের জন্য প্রেরণ করা হইল (জ্যেষ্ঠতার ভিত্তিতে নহে):

১. মন্ত্রিপরিষদ সচিব, মন্ত্রিপরিষদ বিভাগ, বাংলাদেশ সচিবালয়/মুখ্য সচিব, প্রধানমন্ত্রীর কার্যালয়, তেজগাঁও, ঢাকা
২. সিনিয়র সচিব, জনপ্রশাসন মন্ত্রণালয় / স্থানীয় সরকার বিভাগ, স্থানীয় সরকার, পল্লী উন্নয়ন ও সমবায় মন্ত্রণালয়/ আর্থিক প্রতিষ্ঠান বিভাগ, অর্থ মন্ত্রণালয়, বাংলাদেশ সচিবালয়, ঢাকা
৩. মহাপুলিশ পরিদর্শক, বাংলাদেশ, পুলিশ হেডকোয়ার্টার্স, ঢাকা
৪. সচিব, জননিরাপত্তা বিভাগ, স্বরাষ্ট্র মন্ত্রণালয়/ সড়ক পরিবহন ও মহাসড়ক বিভাগ, সড়ক পরিবহন ও সেতু মন্ত্রণালয়/তথ্য মন্ত্রণালয়/অর্থ বিভাগ, অর্থ মন্ত্রণালয়/ নৌ-পরিবহন মন্ত্রণালয়, বাংলাদেশ সচিবালয়, ঢাকা
৫. সচিব, জনবিভাগ, রাষ্ট্রপতির কার্যালয়, বঙ্গভবন, ঢাকা
৬. অতিরিক্ত সচিব, নির্বাচন কমিশন সচিবালয়, ঢাকা
৭. মহাপরিচালক, বিজিবি/কোস্টগার্ড/আনসার ও ভিডিপি/র্যাপিড এ্যাকশন ব্যাটালিয়ন (র্যাব), ঢাকা
৮. মহাপরিচালক, জাতীয় পরিচয় নিবন্ধন অনুবিভাগ, নির্বাচন কমিশন সচিবালয়, ঢাকা
৯. বিভাগীয় কমিশনার, ঢাকা/খুলনা বিভাগ ও আপিল কর্তৃপক্ষ
১০. উপ মহাপুলিশ পরিদর্শক, ঢাকা রেঞ্জ
১১. পুলিশ কমিশনার, খুলনা মেট্রোপলিটন পুলিশ, খুলনা
১২. যুগ্মসচিব (সকল), নির্বাচন কমিশন সচিবালয়, ঢাকা
১৩. মহাপরিচালক, নির্বাচনি প্রশিক্ষণ ইনস্টিটিউট, ঢাকা
১৪. সিস্টেম ম্যানেজার, নির্বাচন কমিশন সচিবালয়, ঢাকা [নির্বাচন কমিশন সচিবালয়ের ওয়েব সাইটে প্রকাশের প্রয়োজনীয় ব্যবস্থা গ্রহণের অনুরোধসহ]
১৫. পরিচালক (জনসংযোগ), নির্বাচন কমিশন সচিবালয়, ঢাকা [উক্ত বিষয়ে একটি সংবাদ বিজ্ঞপ্তি জারি করিবার জন্য অনুরোধ করা হইল]
১৬. জেলা প্রশাসক, গাজীপুর/খুলনা
১৭. পুলিশ সুপার, গাজীপুর/খুলনা
১৮. উপসচিব (সকল), নির্বাচন কমিশন সচিবালয়, ঢাকা
১৯. জেলা নির্বাচন কর্মকর্তা,.....(সংশ্লিষ্ট) ও সহকারী রিটার্নিং অফিসার
২০. জেলা নির্বাচন কর্মকর্তা,(সংশ্লিষ্ট)
২১. উপজেলা নির্বাহী অফিসার,(সংশ্লিষ্ট)
২২. জেলা কমান্ড্যান্ট, আনসার ও ভিডিপি, গাজীপুর/খুলনা
২৩. মাননীয় প্রধান নির্বাচন কমিশনার- এর একান্ত সচিব, নির্বাচন কমিশন সচিবালয়, ঢাকা (প্রধান নির্বাচন কমিশনার মহোদয়ের সদয় অবগতির জন্য)
২৪. মাননীয় নির্বাচন কমিশনার জনাব, এর একান্ত সচিব, নির্বাচন কমিশন সচিবালয়, ঢাকা (মাননীয় নির্বাচন কমিশনার মহোদয়ের সদয় অবগতির জন্য)
২৫. সচিব মহোদয়ের একান্ত সচিব, নির্বাচন কমিশন সচিবালয়, ঢাকা (সচিব মহোদয়ের সদয় অবগতির জন্য)
২৬. সিনিয়র সহকারী সচিব/সহকারী সচিব(সংশ্লিষ্ট), নির্বাচন কমিশন সচিবালয়, ঢাকা
২৭. উপজেলা নির্বাচন কর্মকর্তা/থানা নির্বাচন কর্মকর্তা,.....(সংশ্লিষ্ট) ও সহকারী রিটার্নিং অফিসার
২৮. ভারপ্রাপ্ত কর্মকর্তা.....(সংশ্লিষ্ট) থানা।

(মোঃ ফরহাদ হোসেন)

উপসচিব (চলতি দায়িত্ব)

নির্বাচন ব্যবস্থাপনা ও সমন্বয়-০১ শাখা

ফোন ও ফ্যাক্স: ০২-৫৫০০৭৫৫৮

০১৮১৭৬৭৫১৭৩ (মোবাইল)

E-mail: forhadhossain_ecs@yahoo.com

গণবিজ্ঞপ্তি

যেহেতু, মাননীয় নির্বাচন কমিশন এতদ্বারা স্থানীয় সরকার (সিটি কর্পোরেশন) নির্বাচন বিধিমালা, ২০১০ এর বিধি ১০(১) অনুযায়ী সিটি কর্পোরেশনের মেয়র, সংরক্ষিত আসনের কাউন্সিলর এবং সাধারণ আসনের কাউন্সিলর পদে নির্বাচনের উদ্দেশ্যে নিম্নবর্ণিত সময়সূচি ধার্য করিয়া প্রজ্ঞাপন জারি করিয়াছে:

(ক)	রিটার্নিং অফিসার/সহকারী রিটার্নিং অফিসারের নিকট মনোনয়নপত্র দাখিলের শেষ তারিখ	:	_____
(খ)	রিটার্নিং অফিসার কর্তৃক মনোনয়নপত্র বাছাইয়ের তারিখ	:	_____
(গ)	প্রার্থিতা প্রত্যাহারের শেষ তারিখ	:	_____
(ঘ)	ভোটগ্রহণের তারিখ	:	_____

০২। এক্ষণে, সেহেতু, আমিও
 (নাম) (পদবি)
 রিটার্নিং অফিসার, সিটি কর্পোরেশন নির্বাচন, ২০১৮ উক্ত বিধিমালার বিধি ১১ অনুযায়ী
 এতদ্বারা বিজ্ঞপ্তি জারি করিতেছি যে,সিটি কর্পোরেশনের
 মেয়র, সংরক্ষিত আসনের কাউন্সিলর এবং সাধারণ আসনের কাউন্সিলর পদে নির্বাচনের জন্য মনোনয়নপত্র
 আমার কার্যালয়.....এ এবং আমার সহকারী রিটার্নিং অফিসারের
 কার্যালয়এ আগামী
 তারিখ অথবা উক্ত দিনের পূর্ববর্তী যে কোন দিনে সকাল ৯.০০ টা হতে বিকাল ৫.০০টা পর্যন্ত গ্রহণ করা হইবে।

তারিখ:.....

রিটার্নিং অফিসারের নাম, পদবি ও স্বাক্ষর

[Handwritten Signature]